

## Bīntùi Kàuhōe Tiong ê Huncheng

**6** Lín tiongkan nā ū lâng kah pátlâng ū kiùhun ê sí, ná ē bô tī sîntō bīnchêng kiû káikoat, khiok kò khi bīsinchiá ê hoattêng? <sup>2</sup> Kám kóng lín m̄ chai sîntō beh símphòan sèkan? Kijian lín beh símphòan sèkan, lín kám bô lênglêk thang símphòan chiahe síókhóa ê tāichì? <sup>3</sup> Lín kám m̄ chai lán liân thi<sup>n</sup>sài to beh símphòan? Hôhông sī chit sèkan jitsiông ê tāichì! <sup>4</sup> Anne, lín nā ū chit khoán ê tāichì, lín kám ē kau hō kàuhōe gōa ê lâng kā lín phòan<sup>n</sup>koat? <sup>5</sup> Góa áne kóng sī beh hō lín kámkak kiànsiàu. Lín tiongkan kám bô chitê ū tihūi ê lâng thang chhâikoat sîntō chi kan ê kiùhun? <sup>6</sup> Lín tiongkan kèngjiân ū sîntō kò sîntō, sīmchì kò kàu bīsinchiá ê bīnchêng.

<sup>7</sup> Kísit, lín tiongkan ū lâng píchhú sio kò, tòh piásū lín ê koa<sup>n</sup>si íkeng su ā. Lín ná ē m̄ lêngkhó hō lâng oanóng? Ná ē m̄ lêngkhó siū khekkhui? <sup>8</sup> M̄ koh, lín tiantò oanóng lâng, khekkhui lâng, sīmchì tùi kàuhōe lai ê hia<sup>n</sup>tī chímōe mā áne teh chò. <sup>9</sup> Lín kám m̄ chai putgī ê lâng bē tàng chiâ<sup>n</sup>chò SiōngChú Kòktō ê chúbin? M̄ thang khiphiàn kakī. Bôlun sī ímloān ê, pài ngósiông ê, hoān kaním ê, chò lámchiong ê, lám tongsèngloān ê, <sup>10</sup> chòchhát ê, thamsim ê, hò<sup>n</sup> chiú ê, húipòng ê, léksek ê, lóng bē tàng chiâ<sup>n</sup>chò SiōngChú Kòktō ê chúbin. <sup>11</sup> Lín tiongkan kòekhì ū lâng tú chhinchiū<sup>n</sup> sī áne, m̄ koh, óakhò Chú lésu Kitok ê miâ kah lán ê SiōngChú ê Sènglêng, lín íkeng siū séchheng, íkeng siū sèngghò, koh íkeng hō SiōngChú chhengchò gīlâng ā.

## Pībián Bô Tōtek ê Sèng Koanhē

<sup>12</sup> Ū lâng kóng, “Ták hāng tāichì góa lóng thang chò.”; m̄ koh, pēng m̄ sī tak hāng tāichì lóng ū liêk. Góa mā thang kóng, “Ták hāng tāichì góa lóng thang chò.”; m̄ koh, góa bô beh hō jīmhô tāichì kā góa khòngchè. <sup>13</sup> Ū lâng kóng, “Chiáhmih sī ūi tiòh paktó, paktó mā sī ūi tiòh chiáhmih.”; chóng sī, SiōngChú ē kā chit n̄ng hāng chòhóe húihoāi. Sengkhu m̄ sī ūi tiòh jiókthé

## 面對教會中 ê 紛爭

**6** Lín 中間若有人 kah 別人有糾紛 ê 時, ná ē 無 tī 信徒面前求解決, 卻告去未信者 ê 法庭? <sup>2</sup> Kám 講 lín m̄ 知信徒 beh 審判世間? 既然 lín beh 審判世間, lín kám 無能力 thang 審判 chiahe 小 khóa ê tāichì? <sup>3</sup> Lín kám m̄ 知咱連天使都 beh 審判? 何況是 chit 世間日常 ê tāichì! <sup>4</sup> Anne, lín 若有 chit 款 ê tāichì, lín kám ē 交 hō 教會外 ê 人 kā lín 判決? <sup>5</sup> 我 áne 講是 beh hō lín 感覺見笑。Lín 中間 kám 無一个有智慧 ê 人 thang 裁決信徒之間 ê 糾紛? <sup>6</sup> Lín 中間竟然有信徒告信徒, 甚至告到未信者 ê 面前。

<sup>7</sup> 其實, lín 中間有人彼此相告, tòh 表示 lín ê 官司已經輸 ā。Lín ná ē m̄ 寧可 hō 人冤枉? Ná ē m̄ 寧可受 kek 虧? <sup>8</sup> M̄ koh, lín 顛倒冤枉人, kek 虧人, 甚至對教會內 ê 兄弟姊妹 mā áne teh 做。 <sup>9</sup> Lín kám m̄ 知不義 ê 人 bē tàng 成做上主國度 ê 子民? M̄ thang 欺騙 kakī。無論是淫亂 ê, 拜偶像 ê, 犯姦淫 ê, 做男娼 ê, 男同性戀 ê, <sup>10</sup> 做賊 ê, 貪心 ê, 好酒 ê, 誹謗 ê, 勒索 ê, lóng bē tàng 成做上主國度 ê 子民。 <sup>11</sup> Lín 中間過去有人 tú 親像是 áne, m̄ koh, óa 靠主耶穌基督 ê 名 kah 咱 ê 上主 ê 聖靈, lín 已經受洗清, 已經受聖化, koh 已經 hō 上主稱做義人 ā。

## 避免無道德 ê 性關係

<sup>12</sup> 有人講: 「Ták 項 tāichì 我 lóng thang 做。」; m̄ koh, 並 m̄ 是 tak 項 tāichì lóng 有利益。我 mā thang 講: 「Ták 項 tāichì 我 lóng thang 做。」; m̄ koh, 我無 beh hō 任何 tāichì kā 我控制。 <sup>13</sup> 有人講: 「食物是為 tiòh 腹肚, 腹肚 mā 是為 tiòh 食物。」; 總是, 上主 ē kā chit 兩項做伙毀壞。身軀 m̄ 是為 tiòh 肉體 ê 情慾存在, 是為 tiòh beh 服事主; 主 mā ē 供給咱身

ê chêngiòk chûnchâi, sī ūi tiòh beh hòksāi Chú;  
Chú mā ē kiongkip lán sengkhu ê suiàu. <sup>14</sup>  
SiōngChú ū hō Chú tùi sí kohoáh, l mā ē ēng l ê  
tōa koānlêng hō lán kohoáh.

<sup>15</sup> Lín kám m̄ chai lín ê sengkhu tòh sī Kitok ê  
kithé? Ánne, góa kám thang kā Kitok ê kithé  
piànchò chhiongki ê kithé? Choàttùi m̄ thang. <sup>16</sup>  
Lín kám m̄ chai, kah chhiongki kiatháp ê, tòh sī  
kah i chiâ<sup>n</sup>chò chitthé? Inūi kengtián ū kóng:

### **Nngê beh chiâ<sup>n</sup>chò chitthé.<sup>2</sup>**

<sup>17</sup> M̄ koh, hiahê kah Chú kiatháp ê lêng, tòh sī  
tī simlêng siōng kah Chú chiâ<sup>n</sup>chò chitthé.

<sup>18</sup> Lín tiòh siámpī îmoān. Lêng bôlūn hoān  
siá<sup>n</sup>mih chōe lóng bē éngióng kakī ê sengkhu,  
tòktòk hoān kanîm ê sī hāitiòh kakī ê sengkhu. <sup>19</sup>  
Lín kám m̄ chai lín ê sengkhu tòh sī Sènglêng ê  
tiān? Chit ūi Sènglêng tiàm tī lín lāibīn, sī lín tùi  
SiōngChú só niásiū ê. Lín m̄ sī siòk kakī, sī siòk  
SiōngChú; <sup>20</sup> inūi lín sī l hùchhut koānkè siòkhôe  
ê, sói, lín tiòh ēng lín ê sengkhu lâi êngkng  
SiōngChú.

軀 ê 需要。 <sup>14</sup> 上主有 hō主 tùi 死 koh 活，祂 mā  
ē 用祂 ê 大權能 hō咱 koh 活。

<sup>15</sup> Lín kám m̄知 lín ê 身軀 tòh 是基督 ê 肢  
體? Ánne, 我 kám thang kā 基督 ê 肢體變做娼  
妓 ê 肢體? 絕對 m̄ thang。 <sup>16</sup> Lín kám m̄知,  
kah 娼妓結合 ê, tòh 是 kah 她成做一體? 因為  
經典有講:

兩個 beh 成做一體。<sup>8</sup>

<sup>17</sup> M̄ koh, hiahê kah 主結合 ê 人, tòh 是 tī  
心靈上 kah 主成做一體。

<sup>18</sup> Lín tiòh 閃避淫亂。人無論犯啥物罪 lóng  
bē 影響 kakī ê 身軀, 獨獨犯姦淫 ê 是害 tiòh  
kakī ê 身軀。 <sup>19</sup> Lín kám m̄知 lín ê 身軀 tòh 是聖  
靈 ê 殿? Chit 位聖靈 tiàm tī lín 內面, 是 lín tùi  
上主所領受 ê。 Lín m̄是屬 kakī, 是屬上主; <sup>20</sup>  
因為 lín 是祂付出 koān 價贖回 ê, 所以, lín  
tiòh 用 lín ê 身軀來榮光上主。

<sup>2</sup> CSK 2:24

<sup>8</sup> 創 2:24